

Nga nagluwas kanamo gikan sa dakung kamatay, ug nga kami ginaluwas: ug nga Kaniya kami nagasalig nga kami Iyang pagaluwason (2 Corinto 1:10)

Kining pasahea nagapakita kanato sa mga pag-antus ug mga sakripisyo sa mga apostoles sa ilang pagpakaylap sa Maayong Balita, apan kini aduna usab aplikasyon sa ilang espirituhanon nga kahimtang apan dili lamang nganha kanila kundili ngadto sa tanang mga magtotoo ug linuwas ni Cristo sa tanang katuigan. Mao nga gimugna kining maong pagtoon sa pagtudlo kanato sa hustong dalan sa kaluwasan ug mga hugna niini.

I. Mga Kamatuoran nga Kinahanglan masayran mahitungod sa Kaluwasan.

* **KALUWASAN** - nga sa Hebreo nga pinulongan YESHUWA, sa Grego nga pinulongan SOTERIA nga nangahulugan- Pagbawi, Pagpadangup, Pagtipig, Pag-ayo, Pagsiguro, Pagluwas, (ang ngalan sa atong Manluluwas nga YESHUA sa Hebrohanon o JESUS sa binisaya nga diin nay kalambigitan sa kaluwasan nga nangahulogan ug si YEHOVAH nga MANLULUWAS, ug ang titulo o ngalan nga MESSIAH sa Hebreo ug CRISTOS sa Greigo kon CRISTO sa binisaya nga diin nangahulogan ug DINIHUG. Sa Juan 17:11 naghigut ang atong Ginoong Jesus mahitungod sa ngalan nga gikahatag kaniya sa Amahan, nagpasabut kana nga Siya mao ang DINIHOG nga si **YEHOVAH** **NGA MANLULUWAS o JESUS-CRISTO** sa mubo nga pagkasulti (basaha Lucas 2:11 ug Buhat 13:23; 2Timoteo 1:10), ug mao kanay hinungdan kung nganong namulong ang atong Ginoong Jesus nga walay tao nga makaadto o

mamaluwas diritso ngadto sa Amahan kundili muagi ug dili motoo Kaniya (JUAN 14:6 ikompara Isaias 43:11; 45:21; Titus 1:4; 2:13; Juan 3:18; Hebrohanon 2:9-10).

* Ang kaluwasan trabaho kana sa Dios ug dili sa Tao (Jonas 2:9, Salmo 3:8, 74:12), ug kay imposible kanang mahimo sa tao (Mateo 19:25-26 ikompara Isaias 64:6).

* Ang kaluwasan nag-agad lamang kana sa kaluoy ug grasya sa Dios (Roma 9:16 ug Efeso 2:4-5), ug wala kana mag-agad sa kahimoan, trabaho, mga pagbantay, mga pagtuman, ug kabubut-on o kagustohan kon desisyon sa tao (Juan 1:12-13; Buhat 15:11; Efeso 2:8-10; 2Timoteo 1:9; Titu 3:5), anha na ang tao makabuhay o makahimo sa mga butang makapahimuot sa Dios sa diha nga gitrabaho na sa Dios ang iyang kasing-kasing (Salmo 80:18-19; Ezekiel 36:26-27; Buhat 16:14; Filipos 1:6; 2:13).

II. Mga Hugna sa Kaluwasan.

Sa bersikulo nga atong gibarugan madayag nga dunay mga hugna ang pagluwas sa Dios ug niining bahina atong maton-an ang mga hugna sa kaluwasan nga trabaho sa Dios ngadto sa mga linuwas.

❖ **Ang kanhi nga kaluwasan**

1- Ang kanhi nga kaluwasan nga nasinati na sa usa ka linuwas mao ang panahon nga diin siya GIBUHI PAG-USAB gikan sa pagka-patay sa sala ug kalapasan. (Juan 1:12-13; 3:3; Efeso 2:1-5; 1Juan 5:1,4,13; Salmo 80:18-19 ikompara 1Corinto 2:14).

1a- Ang kanhi nga kaluwasan mao ang nasinati na nga pagkaluwas sa usa ka linuwas gikan sa bayad sa sala ug pagkahinukman sa silot (Juan 3:18; 5:24; Roma 8:1; Efeso 2:8).

1b- Ang kanhi nga kaluwasan nga nasinati na sa usa ka linuwas mao ang trabaho sa Dios nga niepekto sa espiritu sa tao pinaagi sa pagbuhi pag-usab sa Balaan nga Espiritu sa Dios (Salmo 80:18-19; Roma 8:10,16; Efeso 2:1,5; Colosas 2:13; 1Pedro 3:18 ikompara sa Mateo 8:21 ug 1Timoteo 5:6). Ang panahon nga diin nabatonan sa usa ka linuwas ang pagtoo ug paghinulsol nga hatag sa Dios

❖ **Ang kasamtangan nga kaluwasan**

2- Ang kasamtangan nga kaluwasan nga gisinati karon sa usa naluwas na mao ang KABAG-OHAN O PAGKA-USAB NGADTO SA PAGKINABUHI NGA BALANON, isip resulta sa pagbuhi pag-usab sa kanhi nga kaluwasan nga gibuhay sa Dios sa usa ka makasasala (Roma 6:3; 12:1-2; Efeso 4:22-24), mao kini panahon nga ang pagtoo nga gikahatag sa Dios diha sulod sa kasing-kasing sa usa ka linuwas ipadayag o ipakita sa gawas, sa laktud pagkasulti ang pagtoo gipakita pinaagi sa binuhatan (Santiago 2:18; Galacia 5:6)

2a- Ang kasamtangan nga kaluwasan nga gisinati karon sa usa ka linuwas mao ang pagkaluwas gikan sa pagkaulipon o kagahum sa sala (Filipos 1:20-21; 2:12; Galacia 2:20; Roma 6:12-14 & 22; 1Juan 5:18), kana tungod kay nagkinahanglan kita ug pagkabag-o sa adlaw adlaw nga pagkinabuhi samtang dinhi pa kita sa lawas nga makasasala (2 Corinto 4:16).

2b- Ang kasamtangan nga kaluwasan nga gisinati karon sa usa ka linuwas mao ang pagtrabaho sa Dios nga miepekto sa kabag-ohan sa kalag (Salmo 19:7 1Pedro 1:9), ug ang kalag dili na ilalum sa kamandoan sa pangibug sa unod apan uban sa gibuhi niya nga espiritu nakigbatok sa mga pagtintal ug kagustohan sa unodnon nga buhat (Galacia 5:16-18; Filipos 2:13)

❖ **Ang umalabut nga kaluwasan.**

3- Ang umalabut nga kaluwasan nga masinatian unya sa usa ka linuwas mao ang takna sa paghimaya kaniya uban unya sa pagbalik ni **JesuCristo** (Roma 13:11; Colosas 3:4; Hebrohanon 9:28; 10:36; 1Pedro 1:5; 1Juan 3:2).

3a- Ang umalabut nga kaluwasan nga masinatian unya sa usa ka linuwas mao ang pagkaluwas gikan sa presensya sa sala kon ang kahimtang sa pagkaperperkto o pagkawalay sala diha uban sa presensya ni **Cristo** (1Tesalonica 5:8-10; Mateo 25:46; Marcus 10:30; Titu 1:2; 3:7).

3b- Ang umalabut nga kaluwasan nga masinatian unya sa usa ka linuwas mao ang trabaho sa Dios sa pagkaluwas sa lawas sa umalabut nga pagpamanhaw (Roma 8:23-24; 1Tesalonica 4:13-18; 1Corinto 15:51-57).

Konklusyon:

Ang kaluwasan adunay hugna nga magakahitabo sa tanang linuwas sa Dios nga diin ang matag hugna niana anaa usab kahimoan sa tibuok gilangkuban sa tao nga mao ang espiritu, kalag ug lawas. Ang pagtulon-an sa Trikotomiya

(The trichotomy of man sa eninglis) mitakdo gayud niining nga pagtulon-an sa hugna sa kaluwasan, mao nga si apostol Pablo sakto gayud kaayo nga namulong; “ **Ang Dios sa kalinaw magabalaan unta sa inyong tibuok nga pagkatawo; ug ang inyong bug-os nga espiritu, kalag, ug lawas pagabantayan unta nga kini dili masalawayon inig-abut sa atong Ginoong Jesu-Cristo**” (1Tesalonica 5:23). Ang nagadawat niining maong kamatuoran nagatoo usab sa dayon nga kasigurohan sa kaluwasan tungod kay ang Dios maoy nagabuhay niini gikan sa pagsugod hangtud sa pagkatapus inig balik unya sa atong Ginoong Jesus (Filipos 1:6)

Karon higala kung ikaw wala pa nakasiguro sa imong kaluwasan ang Bibliya nagasulti” **tutok kang Jesus nga mao ang mag-uugmad ug maghiningpit sa atong pagtoo**”(**Hebrohanon 12:2**), Siya mianhi sa pagtawag sa mga makasasala aron sa paghinulsol (**Mateo 9:13**), dungag pa si Jesus miingon “**siya nga moari kanako dili ko gayud igasalikway**”(**Juan 6:37**). Busa higala sumala sa Maayong Balita, hinulsoli ang imong mga sala ug toohi nga si Jesu-Cristo nag-antus ,namatay ug nabanhaw alang sa imong mga sala aron ka maluwas (**Mateo 1:21; Marcos 1:15; 1Corinto 15:1-3**). Ang imong tinud-anay nga paghinulsol ug pagtoo pamatuod kana nga ang Dios mitrabaho sa sulod nimo..

Kung adunay kay mga pangutana o buot ka ba nga bisitahan sa inyong panimalay etext ning Numero

09556144793


Bisita ka sa mga Berea, Landmark, Sovereign Grace Baptist Churches sa inyong haduol nga dapit.

Pastor/worker: _____

Address: _____



ANG KALUWASAN UG MGA HUGNA NIANA



*** Basaha ug ton-i uban sa imong Bibliya ***



JUNREY J. MONCADA
Berea Baptist Church
Sabang, Caburan Big,
Jose Abad Santos,
Davao Occidental